

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Ara nuptialis...

Albrecht, Bernhard

Augustae Vindelicorum, 1633

III.

[urn:nbn:de:bsz:31-131559](#)

*Ab quod erit nobis in tanta clade bacillum
Ne Dominum præter nemo iuvare potest!
Ipse auxilium sancto solamine plenum
Ni subvenisset tristibus Alpicolis,
Esset de nobis actum iam fluctuum abyssus
Pastorem & teneras abripuissest oves.
Gratulor hinc equidem Socero nunc vota secunda,
At simul Alpicolis vela secunda precor!*

*M. David Stendlinus Campidon. Eccle-
sia Pastor, Venerandi Sponsi Gener
ceu Filius.*

III.

IAm cœlesti pijs tollite laudibus
Numen, seu precibus, seu fuerit lyra:
Quod vestros animos ænea sub juga
Misit coniugij sacri.
Quos summus genitor iunxit amabili
Vinclo, non poterit centimanus gigas
Vnquam, vel stygio rumpere robore:
En quantus Dominus tori!
Factus Tartarei mancipium Iipi,
Nos capros redimens sanguine proprio,
Annon & thalami nectare nobili
Christus fœdera consecrat?
Tædas æthereus coniugij fovens
Flatus, flammifero numine roborat:
En quæ dona tori? dona tori, scelus
Ingens, qui violat sacri.
Vos binos etiam coniugij D E V S
Coniunxit thalamo: dulcis adest amor:
Concessus recreat pectora suaviter:
Inconcessus amor nocet.

Ad

Ad Cœli precibus tollite sidera
Voces, atque oculos tollite blandulos:
Iræ nam cohibet frena Deus suæ,
Si fertis placidas preces.
Cœlum Patria sit, Patria sit polus:
Sic cœli, Patriæ sic Dominus dabit
Concordes thalamos, progeniem piam:
Et lites abiget malas.
Sanctas Christe sacerflecte rates tori
Ceu Tiphys; pelagi ne tumidi furor
Nec venti noceant; fida queant poli
Tandem littora tangere.

Euphrasias evexe

scripsit

M. Elias Ehinger 27. Sept. 1633. o.

IV.

QVaritur an liceat transire ad vota secunda?
Presbytero in primis, quaritur an liceat:
Hic ait, ille negat, plures iubere negatum,
Quondam non aqui coniugij facibus.
Vnus vxoris sit episcopus ille maritus:
Irreprochensibilis sit quoq., non fuerit:
Qualem descripsit Tharsensis Apostolus olim:
Nec lex ulli piis vota secunda negat.
Hanc igitur litem præsentí tempore noster
Exemplo dirimit Theologus ipse suo.

Petrus Meiderlinus.

V.

SImihi non deflere datum est pia funera matris,
Sed potius vivi fata dolere Patris.
Cur non gratarer nunc vota secunda Parenti,
Cum videam ipsius fatale levata satis.

A 3

Ec

Ad